

ACTA DA XUNTA DE GOBERNO LOCAL

Sesión do 28 de abril de 2006

SEÑORES/AS ASISTENTES:

D^a. Corina Porro Martínez
D. Ignacio López-Chaves Castro.
D. Javier Jorge Guerra Fernández
D^a. Soledad Polo Lima
D. Carlos Comesaña Abalde

NON ASISTEN:

D. José Manuel Figueroa Vila
D^a. Lucía Molares Pérez
D. José Manuel Iglesias Carrera
D. Antonio Coello Bufill
D^a. Marta Iglesias Bueno

Na Casa do Concello de Vigo, ás trece horas do día vinte e oito de abril de dous mil seis e baixo a presidencia da Excm. Alcaldesa, Sra. Porro Martínez, coa asistencia dos concelleiros/as anteriormente citados, actuando como Secretario o concelleiro, Sr. López Chaves Castro, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están presentes por invitación, o titular do órgano de apoio á Xunta de Goberno Local, Sr. Lorenzo Penela, o interventor xeral, Sr. González Carnero, e o titular da Asesoría Xurídica, Sr. Rivas Romero.

A Xunta de Goberno Local adopta os seguintes acordos:

1(405).- RATIFICACIÓN DA URXENCIA.

A Xunta de Goberno local ratifica a urxencia da sesión.

2(406).- SOLICITUDE DE SUBVENCIÓN Á CONSELLERÍA DE INNOVACIÓN E INDUSTRIA PARA A MODERNIZACIÓN DO MERCADO DO PROGRESO. EXPTE. 17721/240.

Examinadas as actuacións do expediente, dáse conta do informe valorado sobre as deficiencias detectadas no Mercado do Progreso, sito na rúa Progreso do Concello de Vigo, do arquitecto municipal da Oficina de Obras e Proxectos municipais da Xerencia Municipal de Urbanismo, do 28.04.06, que di o seguinte:

Solicítase deste servizo técnico un informe valorado sobre o estado de conservación e as deficiencias nas instalacións do mercado municipal do Progreso.

O Técnico Municipal que redacta o presente informe xa informou en data 23 de xuño de 2005 das deficiencias detectadas no inmoble. O presente informe ven a confirma-las deficiencias indicadas neste informe previo, comprobando que dende esa data non se fixo reparación algunha para solventar los graves problemas existentes, que se poden resumir como segue:

- Deficiencias estruturais: o forxado de teito da zona de administración, na planta baixa do mercado, ten problemas de corrosión estando afectados cáseque tódolos seus elementos estruturais (viguetas, vigas e capa de compresión do forxado).

- Deficiencias nas instalacións que afectan á seguridade dos usuarios: o estado das instalacións de sinalización, alumeado de emerxencia, protección contra incendios e compartimentación de sectores de incendio na totalidade do edificio non acada as condicións que estipula a NBE-CPI 96 nin as mínimas condicións esixibles para garanti-la seguridade dos usuarios no caso de que se produza un incendio.

- Deficiencias nas condicións de salubridade e hixiene: ademáis das deficiencias detectadas en canto a limpeza, desinfección, etc, hai que salientar co pavimento e a instalación de saneamento presentan síntomas visibles de degradación e dun incorrecto funcionamento.

1. DEFICIENCIAS ESTRUCTURAIAS

ORZAMENTO DE EXECUCIÓN MATERIAL ESTIMADO: 25.550'00 euros

O forxado de teito da zona de administración, na planta baixa do mercado, ten problemas de corrosión estando afectados cáseque tódolos seus elementos estruturais (viguetas, vigas e capa de compresión do forxado). A día de hoxe non se procedeu a facer reparación algunha e o seu estado vai deteriorándose co paso do tempo sen que se adopten as medidas para o seu arranxo.

O estado do forxado a rehabilitar obriga a segui-los seguintes pasos na execución da obra:

1. Procederase a apea-lo forxado afectado, de 6'10m * 6'30m. Deberanse dispor os elementos de apeo de xeito que se garanta unha correcta transmisión de cargas ó forxado de solo da entreplanta.
2. Valorarase a magnitude dos danos e as zonas de forxado afectadas mediante catas que permitan comproba-lo estado dos armados superiores do forxado. No caso de que tamén se atopen afectados por corrosións deberanse substituír por completo os nervios formigonando dende a planta superior ou, no caso extremo, substituír-lo forxado enteiro. A decisión definitiva deberá tomarse unha vez que se fagan as catas necesarias para valora-lo seu estado con claridade.
3. As reparacións faranse en cada un dos elementos e en cada unha das caras de forma consecutiva. Non se farán reparacións simultáneas de dous elementos (viga – pilar) no mesmo momento. Contéplase a reparación das vigas e pilares deste tramo de forxado (tanto a viga lateral de medianeira coma a viga estrutural do forxado, así como os pilares afectados).
4. Deberá sanearse e limpa-lo formigón desprendido dos elementos estruturais así coma as armaduras de aceiro corrugado que sufran procesos de oxidación.

5. *Aplicar LANKO 760 (ou produto de semellantes características) como capa de adherencia sobre o formigón existente e como pasivante das armaduras de aceiro corrugado.*
6. *Nas zonas onde se comprobe a perda de sección de aceiro colocarse un novo armado cos anclaxes e solapes normativos. O anclaxe farase con epoxi LANKO 707 (ou produto de semellantes características).*
7. *Completarase a sección dos elementos resistentes con LANKO 731 (ou produto de semellantes características).*
8. *Finalmente deberanse protexe-las vigas e esteos aplicando un morteiro LANKO 101 (ou produtos de semellantes características) cunha malla de fibra antialcalina, pintando como acabado final.*
9. *O tramo de forxado que presenta un cambio de nivel poderase repoñer completando as viguetas do mesmo xeito que no caso dos tramos afectados por corrosións.*

A obra plantexada ten unha execución complexa por dúas razóns:

- *A obra desenvólvese nun mercado polo que non se pode traballar nas horas de maior afluencia de público e precísase controla-la emisión de residuos por cuestións de hixiene na manipulación de alimentos.*
- *Por outra parte non se coñece a magnitude total da obra de reparación xa que é necesario o picado dos elementos estruturais para comproba-lo seu estado, momento en que deberán adoptarse as medidas de reforzo mais axeitadas. No caso de que os armados da capa de compresión do forxado estiveran afectados precisaríase demole-los baños da planta superior e afectar incluso a algún posto de venta desa mesma planta.*

2. DEFICIENCIAS NAS INSTALACIÓNS

ORZAMENTO DE EXECUCIÓN MATERIAL ESTIMADO: 167.500'00 euros

O edificio construíuse antes da entrada en vigor da vixente normativa de protección contra incendios NBE CPI-96. O estado actual das instalacións non cumpre cas condicións que establece a esta norma para o uso de garaxe –aparcamento e para o uso de mercado. Aínda que a propia NBE CPI-96 establece que soamente será obrigatorio o cumprimento das condicións establecidas por esta norma nos casos de obras de reforma total ou parcial das instalacións, considérase que é necesario proceder a face-las obras necesarias para o seu cumprimento xa que diso depende a seguridade dos usuarios deste equipamento.

As condicións de compartimentación, evacuación, sinalización e instalacións cas que debe contar esta zona, cunha superficie total de 3.350 m2 distribuídos en dúas plantas, son as seguintes:

- *As zonas de compartimentación con outros usos (plantas de venda de produtos) deberán ter accesos a traveso de vestíbulos previos con portas RF-30 e apertura cara ó vestíbulo. O aparcamento deberá ser un sector de incendios independente do resto do edificio. Nestes intres non existe vestíbulo previo de acceso ó garaxe, as portas non teñen aperturas antipánico e abren cara ó interior do garaxe cando debería ser ó contrario.*

- *O acceso ós ascensores que comunican o garaxe cos outros usos deberá realizarse a traveso dun vestíbulo previo con paredes e teitos RF-120 e porta RF-60 de paso o garaxe.*
- *As escaleiras para evacuación ascendente deberán ser especialmente protexidas cumprindo as condicións especificadas na normativa. Nestes intres as escaleiras non están separadas do espacio de mercado polo que non cumpren o especificado pola normativa.*
- *Os extintores, de eficacia 21A-113B, estarán situados a menos de 15m de todo punto das zonas de circulación ou distribuídos segundo a relación 1/20 prazas. O emprazamento actual dos extintores non cumpre con esta disposición.*
- *As dúas plantas de soto deben contar con bocas de incendio equipadas tipo 25mm con mangueriras que cheguen a calquera punto das zonas de circulación. Como mínimo instalárase unha boca preto de cada saída. As bocas instaladas na totalidade do edificio cumpren, pero non existe presión na rede polo que non poderían cumprir a súa función en caso de incendio.*
- *O garaxe-aparcamento deberá contar cun sistema de detección e alarma xa que a súa superficie construída é maior de 500 m². Agora non hai instalado sistema algún.*
- *Deberase instalar un sistema de alumeado de emerxencia. As luminarias de emerxencia instaladas (soamente no soto 2) non son suficientes e non garanten a iluminación mínima esixida pola normativa.*
- *A sinalización de saídas e dos percorridos fázase segundo o disposto na norma UNE 23-034. A sinalización existente non cumpre co esixido na normativa.*
- *A sinalización dos medios manuais de protección fázase segundo o disposto nas normas UNE 23-033 e 81-501. A sinalización existente non cumpre co esixido na normativa.*
- *A iluminación das sinais fázase con iluminación propia de emerxencia ou mediante fotoluminiscencia conforme á norma UNE 23-035-1. A instalación existente non cumpre co esixido na normativa.*
- *A extracción de fumes en caso de incendio pode ser por ventilación natural ou forzada. Soamente o soto 2 dispón dun conducto de ventilación perimetral que, polo seu estado de conservación, non garante a renovación de aire necesaria. O soto 1 non dispón de instalacións de renovación de aire. As condicións existentes parecen aconsellar a instalación de ventilación forzada garantindo 6 renovacións por hora e bocas de extracción a menos de 25m de calquera punto.*

A iluminación en determinadas zonas dos dous sotos é deficiente. Aínda que se procedese a substituí-las fluorescencias fundidas, cuestión que non se fai ca periodicidade aconsellable, non se acadaría o nivel de iluminación esixible para este tipo de recinto, polo que haberá que incrementala incorporando novas luminarias segundo estudo de iluminación pendente de redacción.

3. DEFICIENCIAS NAS CONDICIÓNS DE SALUBRIDADE E HIXIENE

ORZAMENTO DE EXECUCIÓN MATERIAL ESTIMADO: 43.500'00 euros

Ademáis dos traballos necesarios para garanti-las condicións de salubridade e hixiene das instalacións que recollerán os informes sectoriais encargados polo propio Concello a outros departamentos, recóllense aquí as obras de reparación necesarias no pavimento e na rede de saneamento.

- O pavimento presenta deterioros en varias zonas, por exemplo nas escaleiras, onde se amosan oxidacións procedentes do armado das lousas e forxados. O desgaste do pavimento, ademais de ocasionar problemas de hixiene, permite o contacto das augas procedentes da limpeza das instalacións (que conteñen sales) ca estrutura iniciando así un proceso de oxidación que afectará, si non
- se remedia a tempo, á resistencia dos elementos estruturais destas zonas (como sucedeu na zona de administración). Plantéxase a necesidade de renova-la totalidade do pavimento das dúas plantas do mercado municipal incluíndo o arranxo dos sumidoiros, que están a presentar problemas de estanqueidade.
- Compróbase a existencia de goteiras en varias zonas procedentes da rede de saneamento e evacuación de augas residuais da planta primeira. Hai sumidoiros cegados e outros atópanse atascados polo que en determinadas zonas as augas procedentes dos postos de peixe non teñen saída directa á rede de saneamento. Existen filtracións de augas residuais dende os sumidoiros e dende as canles existentes no solo da planta primeira, nas zonas ocupadas polos postos de venda de peixe. Estas augas residuais caen enriba de postos de venda da planta baixa ou enriba de zonas de circulación. O falso teito desta planta xa amosa os síntomas de humidade propios de filtracións non resoltas dende hai tempo. Contémplase a renovación da rede de saneamento incluíndo sumidoiros e baixantes ata as arquetas existentes no segundo soto.
- A cuberta do mercado presenta problemas puntuais de filtracións de auga que haberán de repararse mediante o reforzo da impermeabilización da cuberta neses puntos.

4. OUTRAS OBRAS PREVISTAS

ORZAMENTO DE EXECUCIÓN MATERIAL ESTIMADO: 11.300'00 euros

- Os aseos do aparcamento serán obxecto de reconstrución total, toda vez que nestes intres non acadan as condicións mínimas de servizo para que poidan estar abertos ó público. Na súa reforma adoptaranse as medidas necesarias para que acaden a condición de adaptados segundo a Lei e o Regulamento de Accesibilidade.
- Non existen aseos adaptados para persoas con minusvalías polo que deberá procederse á renovación dos aseos para que cumpran como adaptados.

O prazo de execución estimado para o conxunto das obras descritas é de dous meses e medio contados a partires da data da Acta de Comprobación de Replanteo.

5. ORZAMENTO TOTAL PREVISTO PARA O CONXUNTO DE ACTUACIÓNS

REPARACIÓN DEFICIENCIAS ESTRUCTURAIS:	25.550'00 euros
REPARACIÓN DEFICIENCIAS NAS INSTALACIÓNS:	167.500'00 euros
MELLORA DAS CONDICIÓNS HIXIÉNICAS:	43.500'00 euros
OUTRAS OBRAS DE MELLORA:	11.300'00 euros
TOTAL ORZAMENTO EXECUCIÓN MATERIAL PREVISTO:	247.850'00 euros
GASTOS XERAIS E BENEFICIO INDUSTRIAL 19%:	47.091'50 euros
TOTAL ORZAMENTO CONTRATA:	294.941'50 euros
IVE 16%	47.190'64 euros
TOTAL ORZAMENTO CONTRATA + IVE	342.132'14 euros

O orzamento previsto para o conxunto das actuacións descritas é de 342.132'14 euros (TRESCENTOS CORENTA E DOUS MIL CENTO TRINTA E DOUS EUROS CON CATORCE CENTIMOS) incluíndo gastos xerais (13%), beneficio industrial (6%) e IVE (16%).

Estase a desenvolver-lo proxecto de execución que recolle o conxunto de obras a executar neste equipamento municipal, no que se especificará pormenorizadamente o orzamento de cada unha das partidas de obra incluíndo prezos auxiliares e descompostos e liñas de medición.

Así mesmo, dáse conta do informe proposta, do 28.04.06, da técnica de Admón. Xeral do Servizo de Patrimonio e Contratación do 28.04.06, conformado polo primeiro tenente de Alcalde, que di o seguinte:

O Excmo. Concello de Vigo na actualidade está xestionando directamente o Mercado do Progreso por mor dos incumprimentos contractuais da concesionaria e a inviabilidade da súa explotación.

O Sr. Arquitecto municipal da Oficina de Obras e Proxectos municipais da Xerencia Municipal de Urbanismo, en informe de data 28 de abril de 2006, manifesta as deficiencias detectadas no inmovible, que se poden resumir en:

- Deficiencias estruturais: o forxado de teito da zona de administración, na planta baixa do mercado, ten problemas de corrosión estando afectados cáseque tódolos seus elementos estruturais (viguetas, vigas e capa de compresión do forxado).
- Deficiencias nas instalacións que afectan á seguridade dos usuarios: o estado das instalacións de sinalización, alumeado de emerxencia, protección contra incendios e compartimentación de sectores de incendio na totalidade do edificio non acada as condicións que estipula a NBE-CPI 96 nin as

minimas condicións esixibles para garanti-la seguridade dos usuarios no caso de que se produza un incendio.

- Deficiencias nas condicións de salubridade e hixiene: o pavimento e a instalación de saneamento presentan síntomas visibles de degradación e dun incorrecto funcionamento.

Ante esta situación, faise preciso acometer obras que garanticen a seguridade e salubridade do mercado e que fagan viable continuar coa súa explotación, tanto para garantir os postos de traballo dos titulares dos postos do mercado, como para relanzar a actividade relallista na zona centro da nosa cidade.

No informe citado do Sr. Arquitecto municipal da Oficina de Obras e Proxectos municipais da Xerencia Municipal de Urbanismo, anexo ó presente informe, detállanse as obras á realizar, e o investimento preciso para realizalas, que ascende a contía de 342. 132, 14 €, incluíndo gastos xerais (13%), beneficio industrial (6%) e IVE (16%).

Tal e como establece o artigo 1º.3 da Orde mencionada, terán que ser os concellos da Comunidade Autónoma os que procedan á solicitude destas axudas, para posteriormente proceder á súa licitación.

Xa que a contía máxima prevista no Plan de Axudas da Xunta de Galicia para cada investimento non poderá exceder do 70% da totalidade de cada proxecto, a Concellería de Comercio do Concello de Vigo asinará un convenio de colaboración cos titulares dos postos do mercado para comprometer o resto do investimento, dado que consonte ó disposto no Prego de condicións que rexe a concesión da xestión e explotación dos mercados municipais, aprobado por acordo plenario de data 30 de novembro de 1993, na súa cláusula VIII.1, estos “aboarán ó concesionario, mensualmente ou coa periodicidade que fixe, as cantidades que o concesionario establezca para cada exercicio económico en concepto de contraprestación polos gastos que ó concesionario lle ocasione a xestión e explotación dos mercados, incluídas as obras que afecten ó inmovible, servizos ou elementos de utilización xeral”.

Dado que o prazo de presentación de solicitudes remata o día 29 de abril, procede a aprobación por parte da Xunta de Goberno Local da solicitudes de subvención que se presentarán diante da Consellería de Innovación, Industria e Comercio, tal e como esixe o apartado 2.a) do artigo 3º da Orde de referencia.

En virtude do exposto, propónse á Xunta de Goberno Local, en uso das atribucións que lle confire a lexislación vixente, a adopción do seguinte acordo:

“1º.- Aprobado o informe valorado sobre as deficiencias detectadas no Mercado do Progreso, sito na rúa Progreso do Concello de Vigo do Sr. Arquitecto municipal da Oficina de Obras e Proxectos municipais da Xerencia Municipal de Urbanismo, D. Juan Luis Piñeiro Ferradás, anexo ó presente informe.

2º.- Solicitar á Consellería de Innovación, Industria e Comercio, ó abeiro da Orde de 9 de marzo de 2006, publicada no DOG nº 57, con data 22 de marzo, unha subvención de 239. 492, 5 € para o investimento previsto no Mercado do Progreso, segundo os conceptos e contías que se describen a continuación:

REPARACIÓN DEFICIENCIAS ESTRUCTURAIS:	25.550'00 €
REPARACIÓN DEFICIENCIAS NAS INSTALACIÓNS:	167.500'00 €
MELLORA DAS CONDICIÓNS HIXIÉNICAS:	43.500'00 €
OUTRAS OBRAS DE MELLORA:	11.300'00 €
TOTAL ORZAMENTO EXECUCIÓN MATERIAL PREVISTO:	247.850'00 €

GASTOS XERAIS E BENEFICIO INDUSTRIAL 19%:	47.091'50 €
TOTAL ORZAMENTO CONTRATA:	294.941'50 €
IVE 16%	47.190'64 €
TOTAL ORZAMENTO CONTRATA + IVE	342.132'14 €”.

Acordo

A Xunta de Goberno local, de conformidade co precedente informe, acorda:

1º.- Aprobar o informe valorado sobre as deficiencias detectadas no Mercado do Progreso, sito na rúa Progreso do Concello de Vigo do Sr. Arquitecto municipal da Oficina de Obras e Proxectos municipais da Xerencia Municipal de Urbanismo, D. Juan Luis Piñeiro Ferradás, que se recolle na parte expositiva deste acordo.

2º.- Solicitar á Consellería de Innovación, Industria e Comercio, ó abeiro da Orde de 9 de marzo de 2006, publicada no DOG nº 57, con data 22 de marzo, unha subvención de 239. 492, 5 € para o investimento previsto no Mercado do Progreso, segundo os conceptos e contías que se describen a continuación:

REPARACIÓN DEFICIENCIAS ESTRUCTURAIS:	25.550'00 €
REPARACIÓN DEFICIENCIAS NAS INSTALACIÓNS:	167.500'00 €
MELLORA DAS CONDICIÓNS HIXIÉNICAS:	43.500'00 €
OUTRAS OBRAS DE MELLORA:	11.300'00 €
TOTAL ORZAMENTO EXECUCIÓN MATERIAL PREVISTO:	247.850'00 €
GASTOS XERAIS E BENEFICIO INDUSTRIAL 19%:	47.091'50 €
TOTAL ORZAMENTO CONTRATA:	294.941'50 €
IVE 16%	47.190'64 €
TOTAL ORZAMENTO CONTRATA + IVE	342.132'14 €.

3(407).- SOLICITUDE DE SUBVENCIÓN Á CONSELLERÍA DE INNOVACIÓN E INDUSTRIA PARA INVESTIMENTO EN ZONAS COMERCIAIS DO PRÍNCIPE E CALVARIO. EXPTE. 1919/104.

Examinadas as actuacións do expediente, dáse conta do informe-proposta do xefe do Servizo de Turismo e Comercio, do 27.04.06, conformado pola concelleira de dito Servizo, que di o seguinte:

A Consellería de Innovación, Industria e Comercio ven de publicar o día 22 de marzo de 2006, a Orde pola que se aproban as bases reguladoras para a concesión de subvencións a Corporacións Locais para actuacións de vertebración do comercio urbano en réxime de concorrencia competitiva para o ano 2006.

Na liña de colaboración que a Concellería de Comercio e Industria do Concello de Vigo ven mantendo con todas as asociacións de comerciantes, e en virtude de escritos dirixidos por diversos presidentes e xerentes destes establecementos manifestando o seu interese por acollerse a estas axudas, iníciase expediente administrativo conducente á solicitude formal diante da devandita Consellería de axudas para investimentos para a decoración urbana con xardiñeiras e balcaneiras nas asociacións de comerciantes de Príncipe e Calvario.

Tal e como establece o artigo 1º.3 da Orde mencionada, terán que ser os concellos da Comunidade Autónoma os que procedan á solicitude destas axudas, para posteriormente proceder á súa licitación.

Xunto cos escritos de referencia, os responsables das respectivas zonas comerciais presentan descrición das obras a realizar e presupostos de execución das mesmas, así como xustificación e necesidade de acometer estes proxectos.

Os investimentos que se pretenden realizar nas zonas comerciais mencionadas ascenden á contía total de 29.712 (IVE incluído), segundo os presupostos que se achegan

Xa que a contía máxima prevista no Plan de Axudas da Xunta de Galicia para cada investimento non poderá exceder do 70% da totalidade de cada proxecto, a Concellería de Comercio do Concello de Vigo asinará un convenio de colaboración con cada unha das asociacións implicadas, para comprometer o resto do investimento.

Dado que o prazo de presentación de solicitudes remata o vindeiro día 29 de abril, procede a aprobación por parte da Xunta de Goberno Local das solicitudes de subvención que se presentarán diante da Consellería de Innovación, Industria e Comercio, tal e como esixe o apartado 2.a) do artigo 3º da Orde de referencia.

Os investimentos proxectados para a instalación de distintos tipos de xardiñeiras en diversas zonas comerciais da cidade, teñen a consideración de obra menor e, polo tanto, non requiren de elaboración de proxecto de execución de obra, se ben o seguimento das obras e da instalación destes elementos de decoración urbana, será realizado polo correspondente técnico municipal.

En resumo, as actuacións que se propoñen para solicitar da Consellería de Innovación, Industria e Comercio para as zonas peonís-comerciais, ó abeiro da orde publicada o 22 de marzo de 2006, son as seguintes e cos importes que se indican na parte dispositiva deste acordo.

Por todo o antedito, propónse á Xunta de Goberno Local que adopte o seguinte acordo:

Solicitar diante da Consellería de Innovación, Industria e Comercio, ó abeiro da Orde de 10 de marzo de 2006, publicada no DOG nº 57, con data 22 de marzo, para investimentos nas zonas de Príncipe e Calvario, segundo os conceptos e contías que se describen no seguinte cadro:

INMOBLE/ZONA	CONCEPTO	PRESUPOSTO TOTAL	SUBVENCION SOLICITADA
Calvario	Colocación Xardiñeiras	15.212,00	10.648,40
Príncipe	Colocación Xardiñeiras	14.500,00	10.150,00

Acordo

A Xunta de Goberno local aproba a proposta contida no precedente informe.

E sen ter máis asuntos que tratar, a Sra. presidenta rematou a sesión ás catorce horas e dezaoto minutos. Como secretaria dou fé.

me.

O CONCELLEIRO-SECRETARIO ACCTAL.
DA XUNTA DE GOBERNO LOCAL,

Ignacio López-Chaves Castro.